

Jess G Berthelsen ukiuni 30-ni kattuffimmi siulittaasoq

Siullermik maani najuuttusi tamassi tikilluaritsi minnerunngittumik ataqqinaammik ilaasortat nuliaallu tikilluangaaritsi kiisalu avataaniik SIK-p ataatsimeersuarnissaanut malinnaajartorlutik tikinnikut ilissittaaq tikilluaritsi kiisaluttaaq ataqqinartooq siulittaasoq illittaaq tikilluangaarit.

Sulinermik inuussutissarsiuteqartut kattuffianni ilami kattuffinni sumiluunniit ataannartumik ukiuni qulikkaani pingasuni siulittaasuuneq naliginnaasuunngilaq

Jess-i angutaavutit imaaliallaannaq malartitassaangittoq uteriittorlu anguniangaqaraangavillu pimoorutivillugu anguniagaqartartooq tunngavilersuilluartartorlu , ilaatigut piffissarujussuaq nukippasuillu atorlugit angorusutat angorusullugu sorsuuteqartarputit ilaanni qaativillutit .

Jess-i maannakkut maani najuuttugut aallartitatut qinikkatullu atuunnitta nalaani ukiuni 30-ni SIK-mi siulittaasuunerput oqaluttuassartaata ilamernata peqataaffigisinnaanera immiini tanngassimaarutissaammat ilinnut qujassuteqarniarput .

Tassami ukiuni 30-ni atasuinnarmik siulittaassuusarneq sumiluunniit naliginnaasuunngilaq , angusaq imaannaangittuuvooq angeqaaq persuarsiorlunilu, ukiunilu taakkunani angusimasatit angeqaat oqaasiinnarmik uagutsinnit oqaasertalernissaat inornarput.

Taamaattumik allamik kusanarnerusumik iliuusissaqanngilagut taamaallaat ilinnut ataqqinnilluta ukiuni 30-ni angusannik nersorlutit qujanarlutalu tunissuteqarniarput.

Asasarput siulittaasorput Jess-i sulisartut sinniisarsuat ukiuni 30-ni atasuinnarmik SIK-mi siulittaasutut ilaasortagut pillugit ilami inuiaqatigiinnut tamanut iluaqutaasumik isumaqatiginninniarnerni tamatta pilluta ilungersuuteqarlutit , minnerunngittumillu politikkikkut sulingaarlutit angusimasatit amerlaqisut kusanartorpassuarnut taaguisussatut ajukkunnarput , kisiartaavutimmi SIK-mi susoqarnerooq aammalu minnerunngittumik SIK-p ineriartornera pillugu oqaluttuarsinnaasoq , qularinngilarpullu oqaluttuassatit suli siunissamut amerliartorallassasut.

Ukiunilu taakkunani suleqatigisimasarpassuatit siulersuisuunerni ilaasortat ilaasortaasarsimasullu immikkoortortaqaarfinni siuttut siuttuusarsimasullu

minnerunngittumillu atorfilittat atorfilittaasarsimasullu sinnerlugit ataqqinnilluta
ilaquttatillu pilluaqqungaarpatsigit .

Jess-i ukiuni 30-ni SIK-mi siulittaasuusimanerani pilluaqqullugu isumaqarpunga
pingasoriarluta hurraarutigissagipput Jess-i inuummessorli.

Siulersuisuunerit atorfilittallu sinnerlugit

SIK-mi siulittaasup tullia Ludvig Larsen